





第一四七五册

四庫全書

●上海古籍出版社

本冊目次

稿 李 詩 繫

清 沈季友編……………一

第一冊

欽定四庫全書

集部
稿李詩繫卷一

詳校官侍講_臣王燕緒

主事銜_臣徐以坤覆勘

總校官進士_臣

朱鈐

校對官編修_臣

繆晉

膳錄監生_臣

繆汝芬

欽定四庫全書

集部八

稿李詩繫

總集類

提要

_臣等謹案稿李詩繫四十二卷

國朝沈季友撰季友有學古堂詩集已著錄是

編輯嘉興一郡之詩句漢晉以迄

本朝凡縉紳韋布閨秀方外士著流寓有吟咏

傳世者皆錄之而以仙鬼題詠謠諺附焉姓

欽定四庫全書

稿李詩繫

氏之下又各為小傳畧叙梗概其山川古蹟

土風物產亦間加附注以備考据初明景泰

中嘉興朱翰嘗詮次洪永以來郡人之詩為

稿李英華一書所收不盡雅馴崇禎末秀水

蔣之翹復續為稿李詩乘其卷帙之富什倍

英華而遺稿散佚遂無傳本季友此書踵二

家之後而更加詳博殘章賸句蒐訪靡遺攜

撫之勤殊為不苟其間若趙孟堅小傳沿山

房隨筆之誤以為卒於元時吳鎮沒於至正
間與楊建真伽時代迥不相及而謂楊發諸
墳不及鎮墓此類皆為疎於考核然其甄綜
頗備一鄉文獻亦藉以有所徵焉乾隆四十
六年五月恭校上

總纂官臣紀昀臣陸錫熊臣孫士毅

總校官臣陸費輝

欽定四庫全書

楊李詩集
提要

二

欽定四庫全書

楊李詩集卷一

平湖沈季友編

漢

嚴夫子忌

忌本莊姓避明帝諱稱嚴由拳人忌與司馬相如
俱好辭賦哀屈原受性忠貞不過明主而遭暗世
乃斐然作辭歎而述之曰哀時命遭景帝不好辭

欽定四庫全書

楊李詩集
卷一

賦無所得志聞梁孝王右文通賓客乃徒步入梁
受知孝王與鄒陽枚乘俱見尊重而忌名尤甚世
稱嚴夫子自吳越不列於風而秦漢以前我郡之
詩無所考見故斷自忌始讀其傲騷一篇纏綿怨
思不失其正足開七邑詞源取而錄之其猶三閭
之遺意乎

哀時命

哀時命之不及古人兮夫何予生之不遘時往者不可

扳援兮徠者不可與期志憾恨而不逞兮抒中情而屬
詩夜炯炯而不寐兮懷隱憂而歷茲心鬱鬱而無告兮
衆孰可與深謀欲悲悴而委情兮老冉冉而速之居處
愁以隱約兮志沈抑而不揚道壅塞而不通兮江河廣
而無梁願至崑崙之懸圃兮采鍾山之玉英攀瑤木之
攄枝兮望閭風之板桐弱水汨其為難兮路中斷而不
通勢不能凌波以徑度兮又無羽翼而高翔然隱憫而
不達兮獨徙倚而彷徨悵惆悵以永思兮心紆軫而增
歎定四庫全書

卷一 擬古詩

二

傷倚躊躇以淹留兮日飢饉而絕糧廓抱景而獨倚兮
起水思乎故鄉廓落寂而無友兮誰可與玩此遺芳白
日晚晚其將入兮哀余壽之弗將車既敝而馬疲兮蹇
遲迴而不能行身既不容於濁世兮不知進退之宜當
冠雀鬼而切雲兮劍淋漓而縱橫衣攝葉以儲與兮左
祛挂於搏桑右袪拂於不周兮六合不足以肆行上同
鑿枘於伏羲兮下合矩矱於虞唐願尊節而式高兮志
猶卑夫禹湯雖知困其不改操兮終不以邪枉而害方

世竝舉而好朋友壹斗斛而相量衆比周以肩迫兮賢
者遠而隱蔽為鳳凰作鵲籠兮難翕翅其不容靈皇其
不寤知兮禹陳詞而効忠俗嫉妬而蔽賢兮孰知予之
從容願舒志而抽馮兮庸詎知其吉凶璋珪雜乎甑室
兮隴廉與孟陬同官舉世以為恒俗兮固將愁苦而終
窮幽獨轉而不寐兮惟煩懣而盈旬魂渺渺而馳騁兮
心煩寃之懣懣志欲憾而不澹兮路幽昧而甚難塊獨
守此曲隅兮然欲切而永歎愁修夜而宛轉兮氣涓滴
欽定四庫全書

卷一 擬古詩

三

其若波握劍劖而不用兮操規槲而無所施騁騏驎於
中庭兮焉能極夫遠道置猿狖於檻檻兮夫何以責其
捷巧駟跛鼈而上山兮吾固知其不能陞釋管晏而任
臧獲兮何權衡之能稱篋簋雜於麋燕兮機達矢以耿
革負擔荷以大尺兮欲伸要而不可得外迫脅於機臂
兮上牽聱於矰雉肩傾側而不容兮固隘腹而不得息
務光自投於深淵兮不獲世之塵垢孰魁摧之可久兮
願退身而窮處鑿山楹而為室兮下披衣於水渚露露

濛濛其晨降兮雲依斐而承宇虹霓紛其朝霞兮夕淫
淫而淋雨惴惴茫茫而無歸兮悵遠望此曠野下垂釣於
谿谷兮上要求於仙者與赤松而結友兮比王喬而為
耦使臬揚先導兮白虎為之前後浮雲霧而入冥兮騎
白鹿而客與魂眈眈以寄獨兮汨徂往而不歸處卓卓
而日逮兮志浩蕩而傷懷鸞鳳翔于蒼雲兮故繒繳而
不能加蛟龍潛於旋淵兮身不挂於網羅知貪餌而近
死兮不如下遊乎清波寧幽隱以遠禍兮孰侵辱之可

欽定四庫全書

揚子詩集

四

為子胥死而成義兮屈原沉於汨羅雖體解其不變兮
豈忠信之可化志忼忼而內直兮履繩墨而不頗執權
衡而無私兮稱輕重而不差慨塵垢之狂攘兮除穢累
而反真形體白而質素兮中皎潔而淑清時厭飲而不
用兮且隱伏而遠身聊竄端而遁迹兮嘆寂默而無聲
獨使憤而煩毒兮焉發憤而紆情時曖曖其將罷兮遠
悶歎而無名伯夷死於首陽兮卒天隱而不榮太公不
遇文王兮身至死而不得逞懷瑤象而佩璫兮願陳列

而無正生天墜之若過兮忽爛漫而無成邪氣襲余之
形體兮疾憎怛而萌生願一見陽春之白日兮恐不終
年永年

晉

干散騎寶

寶字令升父瑩自新蔡隨晉南渡徙居海鹽少勤
學博覽以才器名為著作郎平杜茂有功賜爵關
內侯中興草創未置史官中書監王導以寶請於

欽定四庫全書

揚子詩集

五

是領國史著晉紀自宣帝迄愍帝五十三年凡二
十卷直而能婉稱良史焉歷散騎常侍性好陰陽
術數留思京房夏侯勝等傳寶父有寵婢母甚妒
及父亡母乃生推婢於墓中後十餘年母喪開墓
婢伏棺如生經日而蘇言其父常取飲食與之地
中亦不覺為寔寶遂悟天地間鬼神事乃起撰集
古今神祇靈異人物變化之事為搜神記以示劉
惔惔曰卿可謂鬼之董狐鶴林玉露載楊誠齋與
同舍談及于寶一史述

曰乃千寶非予也因取韻書千字注云曾有千寶
試齊大喜曰汝乃吾一字之師今海鹽圖經亦從
之

從軍行

壯士果榮姿氣烈有自然俯仰羣雄中何能救世艱關
鞏代縫掖覽鑒易進賢

無名氏

晉樂苑曰嘉興人養鴨兒鴨兒既死因有此歌

阿子歌三首

欽定四庫全書

魏書

六

阿子復阿子念汝好顏容風流世希有窈窕無人雙
春月故鴨曉獨雄顛倒落工知悅弦死故來相尋博
野田草欲盡東流水又暴念我雙飛鳬餓渴常不飽

陳

顧黃門野王

野王字希鴻海鹽人七歲讀五經知大旨九歲制
日賦十二歲隨父入建安撰建安地紀及長徧觀
經史精記默識天文地理著龜占候蟲篆奇字無

所不通任梁為博士中領軍嘗與瑯琊王褒為宣

城王客野王善丹青王於東府起齋令野王畫古

賢命褒書贊時稱二絕侯景之亂募兵援京杖戈

被甲抗辭作色見者莫不壯之太尉王僧辨深嘉

其義使監本縣事陳天嘉中補撰史學士大建中

領大著作兼通事舍人與江總陸瓊諸人並以才

學推重遷黃門侍郎卒贈秘書監右衛將軍總哭

以詩云獨酌一樽酒高詠七哀詩何言萬里別非

欽定四庫全書

魏書

七

復竹林期塔荒鄭公草戶聞童生幃人隨暮槿落
客共晚鶯悲年髮兩如此傷心獨焚時所撰玉篇
輿地志符瑞圖顧氏譜傳分野樞要續洞冥記玄
象表文集行世

陽春歌

春草正芳非重樓啓曙扉銀鞍伏客至柘彈兒童歸池
前竹葉滿井上桃花飛前門寒未歇為斷流黃機

隴頭水

隴底望秦川迢迢隔風烟蕭條落野樹幽咽響流泉瀚
海波難息交河水未堅安知蓋山水逐節赴危絃

羅數行

東隅麗春日南陌采桑時樓中結梳罷提筐候早期風
輕鶯韻緩露重落花遲五馬光長陌千騎絡青絲使君
徒遣信賤妾畏蠶飢

豔歌行

燕姬妍趙女麗出入王官公主第倚鳴瑟歌未央調絃
欽定四庫全書

卷一

八九弄度曲兩三章唯欣春日永詎愁秋夜長歌未央
倚鳴瑟輕風飄落藥乳燕巢蘭室結羅帷翫朝日窗開
翠幔卷妝罷金星出爭攀四照花競戲三條街

唐

丘庶子為

為嘉興人事繼母孝有芝生堂下光啓問累官太
子右庶子年八十餘還鄉詔給俸祿之半縣令謁
之為侯門磬折令坐乃拜里胥立庭下阼出乃敢

坐經縣署降馬而趨有集六卷王維有送丘為往

唐州詩云宛洛有風塵君行多苦辛四愁連漢水

百口寄隨人槐色陰清畫楊花惹暮春朝端肯相

送天子繡衣臣摩詰又送丘為下第詩云憐君不

得意况復柳條春為客黃金盡還家白髮新五湖

三畝宅萬里一歸人知爾不能薦羞稱獻納臣劉

長卿送丘為赴上都詩云帝鄉何處是歧路空垂

泣楚思愁莫多川程帶潮急潮歸人不歸獨向回

欽定四庫全書

卷一

九

塘立

湖中寄王侍御

日日湖水上好登湖上樓終年不向郭過午始梳頭嘗
自愛杯酒得無相獻酬小僮能膾鯉少妾事連舟每有
南浦信仍期後月遊方春轉搖蕩孤興時淹留馳馬真
傲吏儻然無所求晨趨玉階下心許滄江流少別如昨
日何言經數秋應知方外事獨往非悠悠

尋西山隱者不遇

絕頂一茅茨直下三十里叩關無僮僕窺室唯案几若
非巾紫車應是釣秋水差池不相見暉空仰止草色
新雨中松聲晚窗裏及茲契幽絕自足蕩心耳雖無賓
主意頗得清淨理興盡方下山何必待之子

泛若耶谿

結廬若耶裏左右若耶水無日不釣魚有時向城市谿
中水流急渡口水流寬每得樵風便往來殊不難一川
草長綠四時那得辨短褐衣妻兒餘糧及雞犬日暮鳥
欽定四庫全書

卷一 雜著詩

十

雀稀稚子呼牛歸住處無鄰里柴門獨掩扉

題田家廬舍

春風何時至已綠湖上山湖上春既早田家日不開溝
塍流水處未耜平蕪間薄暮飯牛罷歸來還閉關

尋廬山崔徵君

日高雞犬靜門掩向寒塘夜竹深茅宇秋亭冷石林住
山年已遠服藥壽偏長虛棄浮生者相逢益自傷

登潤州城

天末江城曉登臨客望迷春潮平島嶼殘雨隔虹蜺鳥
與孤帆遠烟和獨樹低鄉山何處是目斷廣陵西

竹下殘雪

一點消未盡孤明在竹陰晴光夜轉瑩寒氣曉仍深還
對讀書牖且闔乘興心已能依此地終不傍瑤琴

送閻校書之越

南入剡中路暮雲應轉微湖邊好花照山口細泉飛此
地饒古跡世人多忘歸經年松雪在永日世情稀芸閣
應相望芳時不可違

欽定四庫全書

卷一 雜著詩

十

左掖梨花

冷艷全欺雪餘香乍入衣春風且莫定吹向玉階飛

陸尉士修

士修字里未詳大厯間為嘉興尉與顏真卿善顏
守湖州士修往來未嘗間多聯句詩岷山窪樽之
咏士修亦與焉

三言擬五雜組與李夢殷佐明顏真卿表高蔣

志同作

五雜組闌闌間往復還門上闕不得已鬢毛斑

三言喜皇甫曾侍御見過南樓翫月同顏真卿

陸羽皇甫曾李萼皎然作

露欲晞客將醉猶宛轉照深意

月夜啜茶聯句

泛花邀坐客代飲引情言修醒酒宜華席留僧想獨園

為不須攀月桂何假樹庭萱李御史秋風勁尚書北斗

欽定四庫全書

尊在流華淨肌膚疏淪滌心原顏真不似春醪醉何辭

淥水繁然素瓷傳靜夜芳氣滿閑軒高

夜宴詠燈聯句

桂酒牽詩興蘭缸照客情士詎慙珠乘朗不讓月輪明

屬破暗光初白浮雲色轉清顏真帶花疑在樹比燎欲

分庭然顧已慙微照閑簾識近汀表

華陽真逸顧況

況字通翁海鹽人至德二年進士志尚疎逸頗好

談諧雖王公之貴必戲侮之與柳渾李泌為方外

友渾輔政以祕書郎召況況荅詩云四海如今已

太平相公何用喚狂生此生還似籠中鶴東向滄

溟叫數聲及泌相自謂當得達官久之稍遷著作

郎白居易初舉以詩謁況況謔之曰長安百物貴

居大不易及讀至原上草詩野火燒不盡春風吹

又生嘆曰有句如此居亦何難老夫前言戲之耳

因為延譽鄭侯卒況感具知作海鷗詠云萬里飛

欽定四庫全書

來為客鳥曾逢丹鳳借枝柯一朝鳳去梧桐死滿

目鴟梟奈爾何為權貴所嫉坐詩語調謔貶饒州

司戶叅軍況文詞之外兼工小筆嘗求知新亭鹽

監人或詰之況曰余要貌海中山耳半年解綬去

家縣南橫山宅邊有禪寂寺故有家在雙峰蘭若

邊之句後結廬茅山號華陽真逸年九十卒人謂

尸解去況嘗與三詩友遊苑中坐流水上得大梧

葉上有詩云一入深宮裏年年不見春聊題一片

葉寄與有情人況亦題一葉放於波中詩曰花落
深宮鶯亦悲上陽宮女斷腸時君恩不禁東流水
葉上題詩欲寄誰後十餘日有人於苑中尋春又
於葉上得詩以示況詩曰一葉題詩出禁城誰人
倚和獨含情自嗟不及波中葉蕩漾乘春取次行
有集二十卷皇甫湜為序云偏於逸歌長句駸發
踔厲往往若穿天心出月脇意外驚人語非尋常
所能及最為快也又曰自吾為顧況集序未嘗許
人也其為名流嘆重如此

華山西岡遊贈隱士吏

羣峰鬱初霽潏潏若鬟沐天風鼓嗒呀搖撼千灌木木
葉微墮黃石泉淨停淥危磴蘿薜牽迴步入幽谷我心
寄青霞世事懸蒼鹿遂令巢許輩于焉謝塵俗想是悠
悠雲可契去留躅

行路難三首

君不見擔雪塞井徒用力吹沙作飯豈堪喫一生肝膽

向人盡相識不如不相識冬青樹上挂凌霄歲晏花凋
樹不凋凡物各自有根本種木終不生豆苗行路難行
路難不知何處是平道中心無事當富貴今日覺君顏
色好

君不見少年頭上如雲髮少壯如雲老如雪豈知濯頂
有醍醐能使清涼頭不熱呂梁之水挂飛流鼉鼉蛟蜃
不敢遊少年恃險若平地獨倚長劍凌清秋行路難行
路難昔日少年今已老炫目春光不長好前朝竹帛事

皆空日莫牛羊古城草

君不見古人燒水銀變作北邙山上塵萬絲挂在虛空
中欲落不落愁殺人睢水英雄多血刃建章宮闕成煨
燼淮王身死桂樹折徐福一去音書絕行路難行路難
生死由命皆由天秦皇漢武遭下脫汝獨何人學神仙

險竿歌

宛陵女兒臂飛手長竿橫空上下走已能輕險若平地
豈肯身為一家婦宛陵將士天下雄一下定却長梢弓

翻身挂影恁騰蹋反綰頭髻盤旋風飛鳥驚猿遶樹枝
裏頭打鼓不聞時手蹉脚跌蜘蛛絲忽雷掣斷流星尾
曜睽劃破蚩尤旗若不隨仙作仙女卽應嫁賊生賊兒
中丞方畧通變化外戶不扃從女嫁

稽山道芬上人畫山水歌

鏡中眞僧白道芬不服朱審李將軍墨汁平鋪洞庭水
筆頭點出蒼梧雲且看八月十五夜月下看山盡如畫

李湖州孺人彈箏歌

欽定四庫全書

卷一

十六

武帝昇天留法曲淒清掩抑絃柱促上陽宮人怨青苔
此夜想夫憐碧玉思婦高樓刺壁窺愁猿叫月鸚呼兒
寸心十指有長短妙入神處無人知獨祀梁州凡幾拍
風沙對面胡秦隔聽中忘却前溪碧醉後猶疑邊草白

蕭郎草書歌

蕭子草書人不及洞庭葉落秋風急上林花開春露溼
花枝濛濛向水泣見君數行之灑落石上之松下鶴
若祀君書此仲將不知誰在凌雲閣

露青竹鞭歌

鮮于仲通正當年章仇兼瓊在蜀川約束蜀兒採馬鞭
蜀兒採鞭不敢眠橫截斜飛飛鳥邊繩橋夜上層崖顛
頭插白雲捧飛泉採得馬鞭長且堅浮樞丁子珠聯聯
灰煮蠟揩光爛然章仇兼瓊持上天上天雨露何其偏
飛龍閑廐馬數千朝飲吳江夕林燕紅塵撲汗涇鶻
獅子麒麟聊比肩江面昆明洗刷牽四蹄踏浪頭擔天
蛟龍稽顙河伯虔拓羯胡雛脚手鮮陳閩韓幹丹青妍

欽定四庫全書

卷一

十七

欲貌未貌眼欲穿金鞍玉勒錦連乾騎入桃花楊柳烟
十二樓中奏管絃樓中美人奪神仙爭愛大家把此鞭
祿山入關關破年忽見揚州北卽前祇有人還千一錢
亭亭筆直無皺節磨將形相一條鐵市頭格是無人別
江海賤臣不拘絀垂窗挂影西窗缺稚子覓衣挑仰穴
家童拾薪幾拗折玉潤猶沾玉壘雪碧鮮似染荑乳血
蜀帝城邊子規咽相如橋上文君絕往年策馬降至尊
七盤九折橫劒門穆王八駿超崑崙安用冉冉孤山根

聖人不貴難得貨金玉珊瑚誰買思

公子行

輕薄光面如玉紫陌春風纏馬足雙轡縣金鉗鸛飛長
衫刺雪生犀束綠槐夾道陰初成珊瑚幾節敵流星紅
肌拂拂酒光凝當街背拉金吾行朝遊瑟瑟鼓聲發莫
遊瑟瑟鼓聲絕八門不肯自升堂美人扶踏金階月

八月五日歌

四月八日明星出摩耶夫人降前佛八月五日佳氣新

欽定四庫全書

卷一 魏李詩集

六

昭成太后生聖人開元九年燕公說奉詔聽置千秋節
丹青廟裏貯姚宋花萼樓中宴岐薛清樂靈香幾處聞
驚歌鳳吹動祥雲已於武庫見靈鳥仍向晉山逢老君
率上晉天無不樂河清海晏窮寥廓梨園子弟傳法曲
張果先生進仙樂玉座清涼遊帝京悲翁回首望承明
雲韶九奏杳然遠唯有五陵松柏聲

瑤草春

并序

隴西李迅者納別宅監奴出迅不喜歡訪故人為

刺史強而配焉既歸而不合監奴投井而死因作

瑤草歌以悲之

瑤草春香容與江南艷歌京西舞執心輕子都信節冠
秋胡議以腰支嫁時論自有夫蟬鬢蛾眉明井底燕裾
趙袂縈輓轡李生聞之淚如綆不忍回頭看此井月中
桂樹落一枝地上鵲鵲啼孤影露桃穠李自成谿流水
終天不向西翠帳綠窗寒寂寂錦茵羅薦夜淒淒瑤草
春丹井遠別後相思意深淺

欽定四庫全書

魏李詩集

六

東湖望山歌

浴鮮積翠樓靈異石洞花宮橫半空夜光潭上明星啟
風雨壇前樹如洗水淹徐孺宅恒乾繩墜洪崖井無底
主人載酒東湖陰遙望西山三四岑

洛陽早春

何地避春愁終年憶舊遊一家千里外百舌五更頭客
路偏逢雨鄉山不入樓故園桃李月伊水向東流

鄱陽大雲寺一公房

盡日陪遊處斜陽竹院清定中觀有漏言外證無生色
界聊傳法空門不用情欲知相去近鐘鼓兩聞聲

經廢寺

不知何世界有處似前朝石路無人埽松門被火燒斷
幡猶挂利故板尚撐橋數卷殘經在多年字欲銷

南歸

老病力難任猶多銳雪侵鱸魚銷官况鷗鳥識歸心急
雨江帆重殘更驛樹深鄉關殊可望漸漸入吳音

欽定四庫全書

白蘋洲送客

莫信梅花發由來謾報春不才充野客扶病送朝臣關
下搖清蘋洲邊采白蘋臨流不痛飲鷗鳥也欺人

春鳥詞送元秀才入京

春來鴈羽齊暮向竹林棲禁苑銜花出河橋隔樹啼尋
聲知去遠顧影念飛低別有無巢燕猶窺幕上泥

送大理張卿

秋色依依傷解攜月卿今夜泊隋堤白沙洲上江蘿長

綠樹邛邊謝豹啼遷客此來無倚仗故人相去隔雲泥
越禽惟有南枝分目送孤鴻飛向西

送從兄奉使新羅

六氣銅鐸轉三光玉律調河宮清奉責海岳晏來朝地
接提封入天平賜貢饒揚威輕破虜柔服耻征遼曙色
黃金闕寒聲白鷺潮樓船非習戰驄馬是嘉招帝女飛
銜石鉸人賣淚綃管寧雖不偶徐福倘相邀獨島懸空
翠孤霞上汶家蟾蜍同漢月蟬蛩異秦橋水豹橫吹浪

欽定四庫全書

花鷹迴拂霄晨裝凌渺淞夜泊記招搖幾路通圓嶠何

山是沃焦颶風晴自起陰火暝潛燒鬢髮成新髻人參
長舊苗扶桑迎日近析木帶津遙夢向越中積魂當別
處銷臨川思結網見彈欲求鴟共散義和厯誰差甲子
朝滄波仗忠信譯語辨誣謠疊鼓鯨鱗隱陰帆鷁首飄
南溟垂大翼西海飲文鯨指景尋靈草排雲聽洞蕭封
侯萬里外未肯後班超

寄江南鶴林寺石水上人

山川重復重心地間相逢忽憶秋江月如聞古寺鐘湖
平南北岸雲抱兩三峰定力起香象真言攝毒龍風中
何處鶴石下幾年松為報烟霞道人間共不容

宿山中僧

不爇香爐烟蒲團坐如鐵嘗想同夜禪風墮松頂雪

溪上

采蓮溪上女舟小怯搖風驚起鴛央宿水雲捺亂紅

寄淮上橋十三

欽定四庫全書

國朝詩集
卷一

筆蕭中閨戶相映綠淮流莫訝春潮潤鷗邊可泊舟

憶鄱陽舊遊

悠悠南國思夜向江南陌楚客斷腸時月明松子落

山中夜宿

涼月挂層峰羅林落葉重掩闌深畏虎風起撼長松

歸山作

心事數莖白髮生涯一片青山空林有雪相待古道無

人獨還

過山農家

板橋人渡泉聲茅屋日午雞鳴莫嗔焙茶烟暗却喜曬
穀天晴

宿昭應

武帝祈靈太乙壇新豐樹裏遠千官那知今夜長生殿

獨閉山門月影寒

橫山故居

家在雙峰蘭若邊一聲清磬發孤烟山連極浦鳥飛盡

欽定四庫全書

國朝詩集
卷一

月上青林人未眠

題葉道士山房

水邊垂柳赤欄橋洞裏仙人碧玉簫近得麻姑書信否

潯陽江上不通潮

宮詞二首

玉樓天半起笙歌風送宮嬪笑語和月殿影開聞夜漏

水晶簾捲近秋河

九重天樂降神仙步舞分行踏錦筵嘈囀一聲鍾鼓歇